

Dialog 1

pazainta	Bun di, sar docter!
meidi	Bun di, duonna Bezzola! Co vaja cun Ella?
pazainta	O, i va. Eu n'ha daspö ün pér dis uschè mal il cheu e sun fich stangla.
meidi	Hmmm ... Ha Ella amo oters simptoms?
pazainta	Schi, minchatant n'haja eir ün pa da render. Ed her saira vaiva perfin ün pa feivra.
meidi	Quai nu tuna bain. S'ha Ella ferida d'incuort?
pazainta	Nöglia ch'eu savess.
meidi	Bain, lura masür eu uossa la feivra. Be ün mumaint, lura savaina daplü. (<i>Il meidi masüra la feivra.</i>) 38.5, quai es massa ot. Eu Tilla visitesch a fuond per pudair eruir la radschun da Seis simptoms. Ingüns pissers, duonna Bezzola, nus chattaran in mincha cas la radschun per Seis mals.
pazainta	Grazcha fich, sar docter.
meidi	Mia assistenta vain güsta a tour il sang. Be ün mumaint.

Dialog 2

pazaint	Bun di, duonna doctoressa.
doctoressa	Bun di, sar Andri. Co vaja cun El?
pazaint	Nöglia bain. Eu n'ha gnü üna not sgrischaivla, perquai ch'eu n'ha stuvü tuossir sainza fin.
doctoressa	Oje, quai nu tuna bain. Guardain che chi manca. As pudess El trar oura survant per ch'eu possa tadlar giò Seis leiv?
pazaint	Natüralmaing.
doctoressa	(<i>La doctoressa visita il pazaint.</i>) Schi, eu dod üna leiva rumur sül leiv. Quai para d'esser ün'inflammaziun da las bronchias. Ha El eir fadia da trar il flà?
pazaint	Na, quai va dret bain. Ma eu nu pudaiva bod na glivrar da tuossir. E la gula am fa eir ün pa mal.
doctoressa	Pudess El drivir üna jada la bocca per ch'eu possa guardar aint illa gula? Daspö cura ha El quists simptoms?
pazaint	Üna leiva tuoss n'haja fingià daspö ün pér dis. Ma id es gnü mincha di pês.
doctoressa	E co esa cullas uraglias? Fan mal eir quellas?

pazaint	Na, cullas uraglias nun haja ingüns problems. Il leiv es però adüna stat meis punct debel. Che as poja far per chi gnia meglider?
doctoressa	Eu Til dun ün sirup cunter la tuoss e masür amo il grà da saturaziun dal sang. Scha quel nun es sufficiant, Til stögl eu amo dar ün medicamaint plü ferm chi redüa l'inflammaziun e driva il leiv. Ha El fingià inhalà cun aua da sal? ** saturaziun? -> Blutwerte? -> sadulaziun? valur dal sang? inquagliamaint?
pazaint	Schi, quai prouv eu mincha jada. Ma quista jada nun haja güdà, la tuoss es massa ferma.
doctoressa	Be ün mumaint, eu tuorn güsta e lura guardaina che chi voul amo.
pazaint	Grazcha fich, duonna doctoressa, uossa sun eu ün pa plü quiet.